

Gikuyu - Ūhonokio Maandīko - Salvation Scriptures

aEfeso 2:2 Hīndī īyo mwarūmagīrīra maündū mooru ma thī īno; mwarūmagīrīra mūnene wa maahinya ma igūrū, ūrīa o na rīu wathaga arīa mataathīkagīra Ngai.

Mathayo 6:10 Ūthamaki waku nīūuke; reke wendi waku wīkagwo gūükū thī o ta ūrīa wīkagwo kūu igūrū.

Luka 22:42 “Awa, angīkorwo nīūkwenda, njehereria gīkombe gīkī kīa mīnyamaaro, no ti ūrīa niī mwene ngwenda; wendi waku ūroekīka”

Johana 16:7-9 Īndī ndīramwīra ūhoro wa ma atī nīkwagīriire thiī, amu ingīaga gūthīi mūtingīreeherwo Müteithia. No ndathiī nīngaamütūma kūrī inyuī. 8 Naake rīrīa agooka nīakoonia andū a thī ūrīa mahītītie ūhoroinī wa meeitia, ūthingu, o na ūhoroinī wa ciira. 9 Nīmahītītie ūhoroinī wa meeitia tondū matinjītīkītie;

2 Timotheo 2:10 Nīkīo niī nyūmagīrīria mathīina moothe nī ūndū wa andū arīa athuure a Ngai, nī geetha o nao mahonokio nī Kristū Jesū na magīe na riiri wa tene na tene.

aRoma 15:20,21 Wendo wakwa mūnene, nīkūhunjia Ūhoro ūrīa Mwega kūrīa Kristū atarī amenyekana nī geetha ndīgaake igūrū rīa mūthingi wa mūndū ūngī. 21 O ta ūrīa kwandīkīitwo atīrī: “Arīa matarī meerwo ūhoro wake nīmakoona, na arīa matarī maigua ūhoro wake nīmakaamenya.”

Atūmwo 2:36,37 “Tondū wa ūguo kīmenyeei na ma inyuī andū oothe a Isiraeli atī Jesū ūcio mwambire mūtiīni, nī we Ngai atuīte Mwathani na Mesia!” 37 Nao andū acio maigua ūguo magītheecwo ngoro makīuria Petero na atūmwo acio angī atīrī, “Aariū a Ithe witū tūgūgīka atīa?”

aHibirania 4:2 Nī amu Ūhoro ūrīa Mwega wareehirwo kūrī ithuī o ta ūrīa o nao maareeheirwo. Īndī o na maūigua, ndūigana kūmateithia tondū matiawamūkīrire me na wītīkio.

Jeremia 24:7 Nīngūmahe ngoro ya kūmenya atī nī nī nī MWATHANI. Megūtuīka andū aakwa, na nī nduīke Ngai wao, tondū nīmekūnjookerera na ngoro yothe.”

Atūmwo 16:14 Naake ūmwe wa arīa maatūthikīriie nī mūtumia wetagwo Lidia wa kuuma itūūra rīa Thuatira, warī mwendia wa nguo cia rangi wa babū, na mūhooi Ngai. Naake Mwathani akīhingūra ngoro yake agītūma yende gūthikīrīria ūhoro ūrīa waheanagwo nī Paūlū.

Mathayo 13:14,15 Acio nī o mūnabii Isaia aaragia ūhoro wao hīndī īrīa oigire atīrī: ‘Andū aya magaathikagīrīria na matikaigua; makaaroraga na matione. 15 Nī ūndū nīmoomītie ngoro, makahinga matū, na makahinga maitho. Tiga nī ūguo, no moone na maitho, na maigue na matū maaao, na ngoro ciao itaükīrwo, nao makīnjookerere na nī ndīmahonie.’

Isaia 6:9,10 Naake akīnjookeria atīrī, “Thīi wīre andū aya ūū: Mūrīthikagīrīria, no mūtirīkuükagīrwo. Mūrīroraga, no mūtirīmenyaga ūrīa kūrathīi na mbere 10 Reke meciiria ma andū aya makingitare, matū maaao mathingare, na maitho maaao matumane, nīguo matikoone na maitho maaao, matikaigue na matū maaao, na meciiria maaao matigataükīrwo, makīgarūrīre mītugo yao na mahonio.”

Mariko 4:11,12 Naake akīmeera atīrī, “Inyuī nīmūheetwo hito cia ūthamaki wa Ngai, no arīa matarī a thirītū yanyu maheagwo ūhoro na ngerekano nī geetha, 12 ‘Marorage na matione; mathikagīrīrie na matitaükīrwo. Nī amu mangīmenya maacookerera Ngai, naake no amarekere meeitia maaao.’ ”

Johana 12:39,40 Nī ūndū ūcio matingīamwītīkirie, amu Isaia nīoigīite handū hangī atī: 40 “Ngai nīamatūite atumuumu, na akoomia ngoro ciao nī geetha matikaae kuona na maitho maaao, o na kana mataükīrwo ngoroinī ciao, manjookerere ndīmahonie.”

aRoma 11:7,8 Tūkiuge atīa? Andū a Israeli matiigana kuona kīrī maatūire macaragia. Gakundi kaniini ka andū arīa Ngai aathuurire no ko gaakīonire. Acio angī oothe nīkūrema maaremeire Ngai, 8 o ta ūrīa kwandīkīitwo atīrī, “Ngai nīatūmire meciiria na ngoro ciao iriite, na nginya ūūmūūthī maitho maaao mationaga, na matū maaao matiiguaga.”

2 aThesalonika 2:10,11 na ahūthīre maūndū moothe ma waganu kūrī andū arīa a kūniinwo. Makaaniinwo tondū nīmaaregire kwamūkīra na kwenda ūūma nīguo mahonokio. 11 Tondū ūcio Ngai nīamareehithagīrīria hinya wa kūmahītīthia ūrutage wīra thīnī wao nīguo meetīkagie o ūhoro wa maheeni.

Mathayo 13:18-23 “Kwoguo tagīthikīrīriei mūigue ngītaarīria ngerekano īyo ya mūhuri. 19 Arīa maiguaga ūhoro wa ūthamaki na ndūmataükīre, mahaana ta mbegū iria ciagūire njīrainī. Ūrīa mūūru ookaga akamatuunya kīrīa kīhandīitwo ngoroinī ciao. 20 Nacio mbegū iria ciagūire mahigainī ihaana ta andū arīa maiguaga ūhoro na o rīmwe makawamūkīra na gīkeno. 21 No matiūnyiitaga hīndī ndaaya nī ūndū ndūkoragwo ūrūmīte thīnī wao. Na ūndū ūcio hīndī īrīa maathīnīo

**kana maanyariirwo nī ūndū wa ūhoro ūcio, maütirikaga o narua. 22
Nacio mbegū iria ciagüire mīguainī, nī andū arīa maiguaga ūhoro, no
mathiīna ma gūükū thī na kwenda ūtonga, igathararia ūhoro, makaaga
kügia na maciaro. 23 Nacio mbegū iria ciagüire tīriinī ūria mūnoru nī
andū arīa maiguaga ūhoro na magataükīrwo nīguo, amwe magaciara
maita igana, angī maita mīrongo ītandatū na arīa angī maita mīrongo
ītatū.”**

**2 aKorintho 3:15,16 Kinya ūmūthī andū mangīthooma Watho wa Musa,
gītaama kīu nīkīhumbagīra meciiria maa. 16 No rīrī, mūndū angīthī
harī Mwathani, gītaama kīu nīgīthengagio.**

**Isaiah 30:28 Mīhūūmū yake īhaana o ta rūūrī ūiyūrīte ūgakinya mūndū o
ngingo; ūramūrana ndūrīrī, ūgachūra na matūhūhū, ūgacīkīra
matamu kanua nī geetha ithiio nacio.**

**Hosea 11:3-7 Índī nī nī ndarutire Israeli gwītwara na magūrū, ngīkīoya
andū aakwa na mooko maakwa, no matiamenyaga atī nī nī
ndamamenyagīrīra. 4 Ngīmaguucia kūrī nī na tha na wendo; ngīmooya
na igūrū ngīmakomia gīthūiinī gīakwa; ngīinamīrīra ngīmahe gīa kūrīa.
5 “Nīmaregeete kūnjookerera, tondū ūcio no mūhaka macoode Misiri,
na mariathagwo nī Aasiria. 6 Matūura maa. nīmegūkorererwo nī
mbaara, nayo yanange ihingo ciamo. Mbaara īyo nīkwanga andū
aakwa, tondū meekaga maündū na mwīro wa ngoro ciao. 7 Nao no
gūthī marathiī na mbere kūndiganīria; o na mangīgakaya nī ūndū wa
ūria mahinyirīrio, matikoona wa kūmateithūra.**

**Atūmwo 26:18 Nīukaamahingūra maitho nīguo moime ndumainī mathiī
ūtheriinī, na moime hinyainī wa Caitaani mathiī harī Ngai, nī geetha
makaarekerwo meeitia maa. na magae igai hamwe na arīa
mathereetio nī ūndū wa kūnjītīkia.’**

**2 Timotheo 2:24-26 Ndungata ya Mwathani ndīagīrīrwo nīkūhaarana.
Yagīrīrwo nī gūkorwo ī mūndū wa gūtuga andū oothe, ī mūrutani
mwega, na ī mūndū mūkirīrīria. 25 Ningī yagīrīrwo gūkoragwo ī mūndū
mūhooreri hīndī ūria ūgūtaara andū arīa mamīkararagia, tondū Ngai
ahota kūmahe kamweke ga kwīrira mamenye ūhoro wa ma. 26 Hīndī
īyo magīcookerere moime mūtegooinī wa Ngoma ūria ūmagwatītie
nīguo meekage ūria yo īkwenda.**

**Kūguūrīrio 3:17-19 Wee uugaga atīrī, ‘Ndī mūtongu na nīnjikaire wega
gūtirī kīndū itarī.’ No kaī ndūūrī atī wee wī mūndū ūtarī hinya na wa
kūiguūrwo tha! Ningī wī mūthīini, mūtumuumu, na wī njaga. 18 Kwoguo
ngūgūtaara atī ūgūre thahabu ūria īthereetio na mwaki kūma kūrī nī nī**

geetha ūtonge. Ningī ūgūre nguo cia rangi mwerū wīhumbe nīguo ūhumbīre njaga īyo yaku ītige kuoneka, ūcooke ūgūre maguta ūhake maitho macio maaku nīguo wone. 19 Arīa oothe nyendeete nīndīmakūümaga na ngamarūnga maahītia. Kwa ūguo ikīra kīyo na wīrire meehia maaku.

2 aKorintho 7:10 Amu kīeha kīrīa Ngai aiguithanagia kīreehage kwīrira, nakuo kwīrira kūreehage ūhonokio, na gūtīrī mūndū ūtangīenda ūguo! No rīrī, kīeha gīa gūükū thī kīreehage gīkuū.

1 Athamaki 18:37 Njookeria ihooya rīakwa MWATHANI; njookeria ihooya rīakwa nī geetha andū aya mamenye atī we MWATHANI ūrī Ngai, na atī nīkūmacookia ūramacookia harī we.”

2 aKorintho 4:4 Meciiria ma andū arīa mateetīkītie nīmaigīitwo ndumainī nī ngai ūrīa ya gūükū thī. Nīmagirīrīrie kuona ūtheri ūkīmatherera, ūtheri ūcio uumaga kūrī Ūhoro ūrīa Mwega wa riiri wa Kristū, o we ūrīa ūhaanaine na Ngai kūna.

Luka 8:11-15 “Atīrīrī, ngerekano īyo ūhaana ta ūū: Mbegū icio nī ūhoro wa Ngai. 12 Mbegū iria ciagūire njīrainī nī andū arīa maiguaga ūhoro no thuutha wa kūūigua, Ngoma agatoonya ngoroinī ciao akeheria ūhoro ūcio nī geetha matigeetīkie mahonokio. 13 Nacio iria ciagūire rūnyanjara igūrū nī andū arīa maiguaga ūhoro, makawamūkīra na gīkeno, no ūhoro ūcio ūkaaga kūrūma thīinī wao; maikaraga kwa ihinda meetīkītie, no rīrīa magerio mamakora, magate wītīkio wao. 14 Nacio iria ciagūire mīiguainī nī andū arīa maiguaga ūhoro, no mīhang'o na ūtonga na ikeno cia gūükū thī ikaūthararia, na nī ūndū ūcio ūhoro ūcio ūkaaga maciaro thīinī wao. 15 Nacio mbegū iria ciagūire tīriinī ūrīa mūnoru, nī andū arīa maiguaga ūhoro makaūnyiita na ngoro njega na njathīki, magaikara naguo makirīrīrie kinya magaciara maciaro.

Atūmwo 15:11 Ithuī twītīkītie atī tūkaahonokio nī ūndū wa wega wa Mwathani Jesū, o ta ūrīa o nao makaahonokio.”

aRoma 8:13 Nī gūkorwo mwatūūra mwathagwo nī mwīrī, no mūgaakua, no mūngīniina cīiko cianyu cia meehia mūteithītio nī Roho, nīmūgaatūūra muoyo.